



Nuuk ulloq 19. septembari - 2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqutit:**

1. Tasiilap napparsimaviani atorfiit suut inuttaqanngillat imaluunniit pilersinneqalersaarpat unnuakkut ullukkulluunniit aamma imaluunniit sapaatip akunnerata naanerani imminut toqunniartunut upalungaarsimaneq pigineqassappat imminut toqunniartut uninngatillugit imaluunniit imminut toqunniarlutik siorasaarisimatillugit?
2. Peqqinnisaqarfimmi periutsit eqqortut suuppat, meeraq, inuusuttoq inersimasorluunniit imminut toqoriarsimasoq napparsimavimmut eqqunneqarpat imaluunniit imminut toqunnissaminut ulorianartorsiorpat?
3. Tasiilami nunaqarfinnilu eqqaaniittuni periutsit suut malinneqartarpat?
4. Tasiilami eqqaanilu tarnikkut nappaateqarneq qanoq paasiniarneqartarpa, isumatsassimangaartoqartoq imaluunniit tarnikkut nappaat inuup isumaanik misigissusianillu allanngortitsisartoq atorneqartoq pasitsaanneqarsimappat imaluunniit sumiginnagaanerup, kinguaassiutitigut atornearlunneqarsimanerup kingunipilui atorneqarsimappata imaluunniit allatigut ilungersunartorsiorneq atorneqarsimappat
5. Tasiilami nunaqarfiinilu ikiuigasuarnissamut upalungaarsimasoqarpa, sakkortuumik pisoqarsimatillugu soorlu imminut toquttoqarsimappat imaluunniit arlallit ataatsikkut imminut toqussimappata?
6. Inunnik isumaginninnerup iluani atorfiit ilinniarsimasunik inuttaqartussat qanoq inuttaqartinneqarpat? Atorfiit tamarmik inuttaqarpat imaluunniit atorfinnik ammasoqarpa? Atorfiit inuttaqarsimangippata, qassit inuttaqanngillat?
7. Naalackersuisut isumaat naapertorlugu Tasiilami nunaqarfiinilu tarnikkut nappaateqarneq tarnillu pissusaatigut nappaateqarneq eqqarsaatigalugit sullissineq naammappa?
8. Sakkortuumik nalaataqarsimasut PTSD-millu napparsimasut katsorsarneqartarpat kiisalu nunatsinni nunaqarfinni isorliunerusunilu iliuuseqarasuarnissamut upalungaarsimasuutitaqartoqarpa? - Taamaassimappat sumi aamma qanoq upalungaarsimasoqarpa?
9. Naalackersuisut isumaat naapertorlugu Kommuni ikiorneqarnissaminut pisariaqartitsiva nukitsigut, aningaasatigut allatigulluunniit Tasiilami eqqaanilu meeqqat inuusuttullu atungarliungaartut ikiorserneqassappata?
10. Tasiilami eqqaanilu inunnik isumaginninneq aamma inunnik isumaginnittut suliniutaat kiisalu peqqinnissakkut suliniutit pillugit Naalackersuisut Kommuneqarfik Sermersooq sutigut suleqatigaat?
11. Tasiilami inunnik isumaginninnikkut suliniutit qaffassarniarlugit ilinniartitsisut peqatigiiffianik, inuutissarsiortunik, oqaluffimmik innuttaasulluunniit akornanni allanik Naalackersuisut suleqateqarpat?
12. Naalackersuisut pilersaaruteqarnerlutik oqartussaaffinnik allanik suleqateqarnissaminut imaluunniit inunnik isumaginnermut aningaasaliinerusalernissaminut kiisalu Tasiilami inunnik isumaginninnikkut sullissinermik nalilersuisarnissaminut imaluunniit inunnik isumaginninnerup iluani suliniutinik misissuinissaminut immaqqa Kommuneqarfik Sermersooq suleqatigalugu?
13. Naalackersuisut pilersaaruteqarnerlutik nuna tamakkerlugu imminut toqunniarlutik eqqarsartut



**ulloq unnuarlu attavigisarsinnaasaannik pilersitsinissaminnut? - Taamaassimappat qaqugu pilersinneqarnissaa naatsorsuutigisinnaavarput? Taamaattoqanngippat, sooq pilersaaruteqartoqanngila?**

**14. Qulaani allassimasunut tunngasunik allanik Naalackersuisut soqutiginartunik paasissutissiisinnaappat?**

**Begrundelse:**

Ajoraluartumik misigeqqipparput Tunumi arlallit imminortut aamma Suleqatigiissitsisuni malugaarput Tasiilami nunallu sinnerani meeqqat inuusuttullu atugaat juunip qaammataanili allanngorsimannngitsut, kingullermik apeqqutigigatsigu inunnik isumaginninneq qanoq inissisimansoq.

Tamatta nalunngilarput upernaakkut ukiakkullu imminut toquttartut amerlanerusartut akiorniarlugit arlaatigut iliuuseqanngikkutta.

Taamaasilluta paasivarput ilaatigut Tasiilami alianaqisumik imminut toquttoqarsimasoq aamma imminut toqoriartoqarsimasoq, tunngaviusumik pissutaalluni ikioqqugaluarneq, iloriusissaaleqineq, tarnikkut nukissaalatsineq imaluunniit tarnikkut nappaateqarneq.

Taamaattumik kissaatiginarpoq tusassallugu Naalackersuisut kommunilu qanoq suleqatigiinnersut aamma Naalackersuisut massakkorluinnaq qanoq iliuuseqarnersoq Tasiilami pissutsit paaseqqissaarniarlugit. Peqataanik isumaqarpugut pilersaaruserluakkamik suliniuteqarneq Tasiilamilu inunnik isumaginninnikkut sullissinermi misilittagaalersut nunap sinnerani atornerqarluarsinnaajumaartut.

Aamma malunaarpoq imminut toqunnissaminnut eqqarsaateqartut attavigisinnaasaannik oqarasuaammik aamma siunnersuineramik ingerlatsiviusinnaasumik ammaanissaq pisariaqartoq. Tamanna sivisuumik eqqartorneqarnikuuvoq taamaattumik tusarusupparput suliaq sumut killissimansoq.

Meeqqat inuusuttullu imminut toqoriarsimasut imaluunniit imminut toqunniarlutik siorasaarisut imminiiginnarneqartarnerat tusarlugu artornarpoq. Unitsitaasimasut aamma angerlarteqqiinnarneqartartut eqqarsaatigalugit.

Alianassaqaq inuiaqatigiit uangut taakkununga neqerooruteqarsinnaanngikkuta, malittaaniq oqaloqateqartarnissaq, PTSD-mut katsorsaaneq, paasiniaanissamut periarfissat, nakorsaasersuinissamut periarfissat il.il. eqqarsaatigalugit.

Aamma tusarusupparput Naalackersuisut nukissaalatsinersut, sulisussaaleqinersullu paasisuugutsigimmi immaqa aaqqiissutissat suliniutissallu nutaat pillugit oqallilluarnerusinnaalissagaluarpuq kingorna nalilersorneqartussanik uuttorneqartussanillu, suliniutit nunap sinneranut siammarneqarsinnaalersillugit.

Apeqqutit akeqquneqarput ullut sulliviit naliginnaasut qulit qaangiutsinnagit.

Tillie Martinussen

Samarbejdspariet - Suleqatigiissitsisut